

2:14-17

barosa ani kām kīsi tohval

nāvur dādalir-bāyikni! “nākun yēsu kiristun poro barosa manta” injer voror māynal vehtor iñtu batı, ad barosa matta tīr kām kiyveke, ātal barosa batatune kāmi siyo. ātal barosa māynan baci kiya paranta ki batal? baci kiya paro. ¹⁵ namunatun voror dādale āyi, seleke undi bāiyil āyi, tinle tiñdi selvak seleke, pōñdle

kapđiñg selvak matter iñt. ¹⁶ aske miraṭ vōr dādan seleke, ad bāyin batay madat kiyvakne, vūr saṅga, “sāntite sonji, peñimen tiñtu ani mēndol-men kapđiñg pōñdaṭ. aske mīkun garmi vānta. iv samdo mīkun bagavantal sīntor” injer sirip gostinen vehtekе batay pāyda puṭo. ¹⁷ ade tīrde barosa manta injer vehci, barosa matta tīr kām kiyveke gir ātal barosa voñtari āsi sānta.

© 2023 Wycliffe Bible Translators, Inc.

This project text is licensed under a CC 4.0 International License.
This colophon line is the result of the project-level override working.